

Tuzla - Narušavanje JRM

28.02.2010 09:11

Dana, 27.02.2010.godine oko 15,40 sati na gradskom stadionu "Tušanj" u Tuzli, sredinom drugog poluvremena fudbalske utakmice između domaćina FK "Sloboda" i gostujuće ekipe FK "Sarajevo", došlo je do narušavanja javnog reda i mira bacanjem tvrdih predmeta (kamenja) i oštećenjem stolica od strane navijača FK "Sarajevo", koji su prethodno bacili zapaljenu dimnu bombu u pravcu navijača "Slobode".

Na navedenoj utakmici, prisustvovalo je oko 3 500 gledalaca, od čega je bilo oko 500 gostujućih navijača, od kojih je oko 150 ostalo van kruga stadiona, kako bi posmatrali utakmicu, jer su u toku radovi na rekonstrukciji stadiona "Tušanj",

S obzirom da je procijenjeno da bi moglo doći do narušavanja javnog reda i mira u većem obimu, izvršeno je pražnjenja tribine na kojoj su bili smješteni navijači FK "Sarajevo" i sprovođenja istih ka prevoznim sredstvima s kojima su došli u Tuzlu, kojom prilikom je došlo do napada od strane navijača iz Sarajeva na službenike policije MUP TK-a, nakon čega su dva lica lišena slobode i prevezena na UKC Tuzla, gdje su im od strane ljekara konstatovane lake tjelesne povrede.

Tokom navedenog narušavanja javnog reda i mira lake tjelesne povrede zadobila su 4 navijača FK "Sarajevo", 2 navijača FK "Sloboda", 1 radnik zaštitarske firme, kao i 6 službenika policije MUP TK-a.

O događaju je obaviješten kantonalni tužilac, a uviđaj na licu mjesta su izvršili službenici OKP PU Tuzla, koji poduzimaju dalje mjere i radnje na rasvjetljavanju navedenog slučaja.

Nakon svih događaja, službenici Jedinice policije za podršku Kantona Sarajevo, JP za podršku MUP TK-a i službenici policije PU Tuzla su navijače FK "Sarajevo" organizovano propratili u pravcu istočnog dijela grada i dalje prema Sarajevu.

Preuzeto sa web stranice **Ministarstva unutrašnjih poslova Tuzlanskog kantona** - <http://muptk.ba>